

*BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
OPĆINA BOSANSKA KRUPA
JEDINSTVENI OPĆINSKI ORGAN UPRAVE
OPĆINE BOSANSKA KRUPA*



***I Z V J E Š T A J**
o ostvarivanju politike jedinice lokalne samouprave i
radu Općinskog načelnika za 2021. godinu*

Bosanska Krupa, februar 2022.godine

S A D R Ž A J

1. Uvod	3
2. Aktivnosti općine Bosanska Krupa i općinskog načelnika u 2021. g.	4
3. Budžet i finansije	5
4. Lokalna uprava.....	6
5. Lokalni ekonomski razvoj i poljoprivreda	10
6. Obrazovanje, sport, kultura, mladi i NVO sektor.....	12
7. Infrastruktura - projekti	16
8. Javnost i transparentnost rada	20
9. Zaključak	21

B O S N A I H E R C E G O V I N A
FEDERACIJA BOSNE I HERCEGOVINE
U N S K O - S A N S K I K A N T O N
OPĆINA BOSANSKA KRUPA
JEDINSTEVENI OPĆINSKI ORGAN UPRAVE
OPĆINE BOSANSKA KRUPA

Na osnovu člana 22. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“ broj 49/06 i 51/09), člana 27. stav 1. tačka i) Zakona o lokalnoj samoupravi Unsko-sanskog kantona („Službeni glasnik Unsko-sanskog kantona“, broj: 8/11) i člana 45. tačka 13. Statuta Općine Bosanska Krupa-prečišćen tekst 1 („Službeni glasnik Općine Bosanska Krupa“, broj 10/17) Općinski načelnik općine Bosanska Krupa, Općinskom vijeću podnosi:

I Z V J E Š T A J

o ostvarivanju politike jedinice lokalne samouprave i radu Općinskog načelnika za 2021. godinu

I U V O D

Izveštaj o ostvarivanju politike jedinice lokalne samouprave i radu Općinskog načelnika za 2021. godinu izrađen je u skladu sa odredbom člana 22. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“ broj 49/06 i 51/09) prema kojoj: „Načelnik dužan je da redovno informiše vijeće o ostvarivanju politike jedinice lokalne samouprave“..., člana 27. stav 1. tačka i) Zakona o lokalnoj samoupravi Unsko-sanskog kantona („Službeni glasnik Unsko-sanskog kantona“, broj: 8/11) kojim je određeno: „podnosi izvještaj vijeću o ostvarivanju politike jedinice lokalne samouprave i svom radu,“ ..., i člana 45. tačka 13. Statuta Općine Bosanska Krupa - prečišćen tekst 1 („Službeni glasnik Općine Bosanska Krupa“, broj: 10/17) Programom rada Općinskog načelnika za 2021. godinu i Programa rada Općinskog vijeća za 2021. godinu, a u cilju poštivanja ustavnosti, zakonitosti i javnosti u provođenju općinske politike, načelnik Općine dužan je izvještavati Općinsko vijeće o provedenim aktivnostima i obavljenim poslovima iz djelokruga lokalne samouprave i prenesenih poslova kantonalne uprave.

Općinski načelnik je nadležan za provođenje općinske politike i izvršavanje općinskih propisa, kao i obavljanje svih dužnosti koje na općinu prenesu kantonalne i federalne vlasti. Zakon o principima lokalne samouprave u Federaciji BiH, te Zakon o lokalnoj samoupravi Unsko-sanskog kantona jasno definiše da općina ima pravo, osim vlastite nadležnosti ustanovljene Ustavom, baviti se i svim pitanjima od lokalnog značaja koja nisu isključena iz njene nadležnosti, niti dodijeljena u nadležnost nekoj drugoj vlasti na osnovu Ustava i zakona. U cilju poštivanja ustavnosti, zakonitosti i javnosti u provođenju općinske politike, načelnik Općine Bosanska Krupa dužan je izvještavati Općinsko vijeće o provedenim aktivnostima i obavljenim poslovima iz djelokruga lokalne samouprave i prenesenih poslova sa viših nivoa vlasti. Radom Jedinistvenog općinskog organa uprave rukovodi Općinski načelnik, kao organ izvršne vlasti u Općini, a u skladu sa Ustavom, zakonima, Statutom i drugim važećim propisima. Jedinistveni općinski organ uprave Općine Bosanska Krupa, kojom rukovodi Općinski načelnik, je organizovan je u 8 (osam) općinskih službi za upravu i

to: Kabinet općinskog načelnika, Služba za prostorno uređenje, imovinsko – pravne i geodetske poslove, Služba za komunalne djelatnosti, vode, zaštitu okoliša i inspeksijske poslove, Služba za zajedničke poslove, civilnu i protupožarnu zaštitu, Služba za finansije, Služba za opću upravu i društvene djelatnosti, Služba za obrt, poljoprivredu i poduzetništvo i Služba za upravljanje razvojem.

Rukovođenje Jedinistvenim organom uprave, Općinski načelnik ostvaruje putem pomoćnika načelnika i šefova službi, koji neposredno rukovode službama za upravu. U izvještajnom periodu aktivnosti Općinskog načelnika i Jedinistvenog općinskog organa uprave Općine Bosanska Krupa bile su usmjerene, kako na redovne (Programom rada utvrđene zadatke), tako i na vanredne poslove koji su se pojavljivali u toku rada. Aktivnosti Općinskog načelnika su u svakom trenutku bile usmjerene na poboljšanje položaja Općine kao jedinice lokalne samouprave, te podizanje kvaliteta života građana općine na viši nivo. Službe su u svim oblastima kontinuirano radili na sprovođenju utvrđene politike i neposrednom izvršavanju zakona, podzakonskih akata, drugih propisa i općih akata, rješavali u upravnim stvarima, vodili propisane evidencije i izdavali druge isprave, pružali pravnu pomoć u ostvarivanju i zaštiti prava građana, te obavljali druge stručne i upravne radnje. Pored toga posebna pažnja je posvećena razvojnim projektima, te stvaranju uslova za otvaranje novih i dovršenje započetih projekata, kroz stalno praćenje stanja u pojedinim oblastima. Također, službe su u okviru nadležnosti i pozitivnih zakonskih propisa usmjerile svoj rad na sljedeće poslove i zadatke: izvršavanje zakona i drugih propisa iz oblasti za koje su formirane, sprovodile utvrđenu politiku, rješavale u upravno-pravnim stvarima, vršile analitičko praćenje stanja iz svojih nadležnosti, vršile inspeksijski nadzor iz nadležnosti Općine, te se starale se o izvršavanju i realizaciji Budžeta Općine.

II AKTIVNOSTI OPĆINE BOSANSKA KRUPA I OPĆINSKOG NAČELNIKA U 2021. GODINI

Polazeći od utvrđenog Programa rada, te od normativnog sadržaja nadležnosti Načelnika kao izvršnog organa, ovaj izvještaj predstavlja pregled aktivnosti koje su se poduzele u 2021. godini. Tačnije, prikazane su glavne aktivnosti u radu Načelnika prema područjima djelovanja i djelokruga izvršnih poslova. Izvještaj za 2021. godinu je rađen u cjelovitom obliku sa informacijama na godišnjem nivou iz različitih područja djelovanja. O svakoj od oblasti bi se moglo još mnogo reći, a s druge strane ima područja ili aktivnosti koje su važne za život svih nas, a nisu u Izvještaju ili zbog stvarne nadležnosti lokalne samouprave i Načelnika ili ograničenosti Izvještaja. Na kraju, nema definisane forme za ovakve izvještaje, kao što ni sama forma ne znači mnogo, ukoliko neko želi ili ne želi iz iste isčitati ili prepoznati suštinu.

Rad Općinskog načelnika u izvještajnom periodu odnosio se na ostvarivanje obaveza koje proizlaze iz njegove funkcije usmjeravanja i usklađivanja rada organa uprave, nadzorne funkcije nad radom organa lokalne uprave, odgovornosti za izvršavanje zakona, odluka i drugih akata koje donosi Općinsko vijeće, provođenja strateških dokumenata i drugih razvojnih planova i programa, kao i predlaganja realne politike u ostvarivanju funkcija lokalne samouprave.

U toku izvještajnog perioda, u okviru svog djelokruga, općinski načelnik je obavljao izvršne poslove iz samoupravnog djelokruga općine koji su mu povjereni zakonom, utvrđivao je prijedloge općih akata koje donosi Općinsko vijeće, davao mišljenje o prijedlozima odluka i drugih akata, izvršavao i osiguravao izvršavanje općih akata općinskog

vijeća, prostornih i urbanističkih planova te drugih akata Općinskog vijeća, upravljao nekretninama i pokretninama u vlasništvu Općine kao i prihodima i rashodima Općine, utvrdio način godišnjeg budžeta Općine, usmjeravao djelovanje Jedininstvenog općinskog organa uprave u obavljanju poslova iz samoupravnog djelokruga Općine, nadzirao njihov rad, te obavljao i druge poslove u skladu sa zakonom, statutom Općine i aktima Vijeća. Prilikom realizacije programskih zadataka pridržavao sam se Ustava, zakona, Statuta Općine Bosanska Krupa, odluka i stavova Općinskog vijeća Bosanska Krupa.

Općinski načelnik, pomoćnici načelnika, šefovi službi, direktori javnih preduzeća i javnih ustanova, a svako u okviru svojih nadležnosti, sudjelovali su u izvještajnom periodu u oblikovanju i realizaciji postojećih, ali i nizu novih projekata, a sve u cilju stvaranja boljeg standarda građana. S tim u vezi, doneseno je niz odluka, pokrenuto i realizirano niz projekata, o čemu se više detalja nalazi u nastavku izvještaja.

Programom rada Općinskog načelnika za 2021. godinu utvrđeni ključni ciljevi su uspješno realizovani. Izvršeni su i najvažniji zadaci općinskih službi koji su od općeg ili zajedničkog interesa pojedinih kategorija građana i njihovih asocijacija, mjesnih zajednica i lokalnog biznisa na kojima sam se zajedno sa svojim saradnicima, državnim službenicima i zaposlenicima neposredno angažovao.

Pored propisanih i programom utvrđenih zadataka i obaveza, prioritet u radu bilo je kontinuirano djelovanje na unapređenju poslovanja, te što kvalitetnijem i efikasnijem komuniciranju i rješavanju zahtjeva građana. Kroz nadležnosti načelnika u obavljanju poslova iz zakonom određenog samoupravnog djelokruga u nastavku ovog izvještaja daje se pregled izvršenih poslova, a koje se odnose na oblast lokalne uprave, obrazovanje, sport, kultura, mladi i NVO sektor, Civilno društvo i kapitalni projekti i infrastruktura.

Izvještaj sadrži samo dio informacija rada općinskog načelnika, a mnogo detaljnije informacije o ostvarenju općinske politike i stanju u određenim oblastima rada i djelovanja sadržane su izvještaju o radu Jedininstvenog općinskog organa uprave Općine Bosanska Krupa i izvještajima koje tokom godine razmatra Općinsko vijeće (izvještaji o izvršenju Budžeta, informacija o realizaciji Strategije općine Bosanska Krupa, izvještaji javnih ustanova i javnih preduzeća). U svim ovim izvještajima i informacijama sadržane su informacije o ostvarenju općinske politike u različitim oblastima.

Aktivnosti Općinskog načelnika i Jedininstvenog općinskog organa uprave Općine Bosanska Krupa u 2021. godini bile su usmjerene u slijedećim pravcima:

III BUDŽET I FINANSIJE

Realizacija općinskih politika, Strategije i odluka, se odvija i kroz blagovremeno pripremljeni i usvojeni Budžet Općine Bosanska Krupa, te kroz njegovu dosljednu i stabilnu realizaciju. Svi budžetski dokumenti su blagovremeno pripremljeni i podneseni. U Općini Bosanska Krupa Budžet za 2021. godinu je donesen od strane Općinskog načelnika 02.04.2021. godine.

Budžet i periodični izvještaji o izvršenju budžeta su objavljeni i nalaze se na web stranici Općine. Kroz budžet su realizovane i započete aktivnosti na infrastrukturnim projektima, a njegovom realizacijom je obezbijeđeno funkcionisanje organa uprave,

zadovoljenje općedruštvenih potreba, zadovoljenje socijalnih potreba, sufinanciranje javnih ustanova, nevladinog sektora, poticaja privredi, poljoprivredi, osnovnim školama, đacima, studentske stipendije, te respektabilna kapitalna ulaganja. Prema periodičnim izvještajima o izvršenju budžeta za 2021. godinu, a koji su usvojeni od strane Općinskog vijeća, izvršenje budžeta je islo planiranom dinamikom.

Bez obzira na brojne poteškoće, uspjeli smo uskladiti trošenje sredstava sa prilikom prihoda, te redovno izvršavati svoje obaveze, što je rezultat kontinuirane štednje i racionalne potrošnje budžetskih sredstava. I dalje smo nastavili sa posvjećivati maksimalnu pažnju budžetskoj disciplini i uspostavljanju sistema kontrole finansijskog poslovanja, te transparentnosti rada organa uprave u svim vidovima. Sve glavne prioritete u rashodima Općina Bosanska Krupa je realizirala. Općinska administracija se kontinuirano pridržava usvojenog Programa mjera štednje, kojim je propisana disciplina u trošenju i savjestan odnos prema budžetskim sredstvima, a i dalje su zastupljene uštede u svim segmentima. Redovno se podnosi i objavljuje detaljan izvještaj o utrošku tekuće budžetske rezerve, što je odraz opće opredijeljenosti da se osigura puna transparentnost utroška budžetskog novca. Realizacija Budžeta Općine Bosanska Krupa za 2021. godinu, u smislu prihoda i rashoda, će biti obuhvaćena izvještajem o izvršenju budžeta za prethodnu godinu, koji će se dostaviti Općinskom vijeću u roku iz člana 90. Zakona o budžetima u Federaciji Bosne i Hercegovine, a koji će sadržavati elemente propisane članom 97. navedenog Zakona.

Kada su u pitanju javne nabavke, Plan javnih nabavki je donesen 07.04.2021. godine. Isti je mijenjan i dopunjavan 26 puta u toku 2021. godine, usljed ukazane potrebe. Zaključno sa 31.12.2021. godine pokrenuto je i okončano ukupno 139 postupaka javnih nabavki i to:

- otvorenih - 25 postupaka,
- konkurentskih – 34 postupak,
- direktnih – 79 postupaka i
- pregovaračkih bez objave obavještenja – 1 postupak u skladu sa Zakonom o javnim nabavkama BiH („Službeni glasnik BiH", broj: 39/14).

Od toga je okončano svih 139 postupak sa ukupno ugovorenom vrijednosti od 2.123.640,04 KM.

IV LOKALNA UPRAVA

I ova izvještajna godina je obilježena posljedicama izazvanim korona virusom, koje su se odrazile na poteškoće u poslovanju poslovnih subjekata na teritoriji općine, te smo nastavili sa poduzimanjem mjera i aktivnosti u cilju pomoći istima. Vodeći se paketom mjera za ublažavanje negativnih posljedica, a koje su utvrđene Program dodjele subvencija poslovnim subjektima pogođenim krizom izazvanom novim virusom korona (COVID-19) u općini Bosanska Krupa broj: 01-40-2110/20 (u daljem tekstu: Program), donesenog od strane Općinskog načelnika dana 30.3.2020. godine, pripremili smo Prijedlog odluke o subvencioniranju komunalne naknade i naknade za privremeno korištenje javnih površina, koju je Općinsko vijeće prihvatilo. Navedenom Odlukom subvencioniranje je podrazumijevalo plaćanje cjelokupnog iznosa komunalne naknade utvrđenog rješenjem Službe za komunalne djelatnosti, vode, zaštitu okoliša i inspeksijske poslove i cjelokupnog iznosa naknade za privremeno korištenje javnih površina utvrđenog rješenjem Službe za

komunalne djelatnosti, vode, zaštitu okoliša i inspekcijske poslove i ugovorom zaključenim između Općine Bosanska Krupa i korisnika javne površine, za 2021. godinu u cilju pomoći pravnim i fizičkim licima čije poslovanje je zbog pandemije korona virusa (COVID 19) otežano.

Na osnovu istih akata Jedinstveni općinski organ uprave je proveo potrebne postupke, te je sa 31.12.2021. godine na ime prednje subvencije ukupno je izdvojeno 49.829,01 KM.

Jedinstveni općinski organ uprave Općine Bosanska Krupa, kojom rukovodi Općinski načelnik, je organizovan je u 8 (osam) općinskih službi za upravu i to: Kabinet općinskog načelnika, Služba za prostorno uređenje, imovinsko – pravne i geodetske poslove, Služba za komunalne djelatnosti, vode, zaštitu okoliša i inspekcijske poslove, Služba za zajedničke poslove, civilnu i protupožarnu zaštitu, Služba za finansije, Služba za opću upravu i društvene djelatnosti, Služba za obrt, poljoprivredu i poduzetništvo i Služba za upravljanje razvojem.

Općina Bosanska Krupa je s krajem 2021. godine imala 84 zaposlena radnika

Status	Spolna struktura		Ukupno
	M	Ž	
1. Državni službenici	12	23	35
2. Namještenici	28	21	49

U oblasti ljudskih resursa, može se reći da je stanje zadovoljavajuće. Izvršeni poslovi realizovani su sa postojećim materijalno tehničkim sredstvima. U izvještajnoj godini kontinuirano se radilo na poboljšanju u organizaciji i funkcionisanju općinske uprave u skladu sa evropskim standardima.

U toku izvještajnog perioda nije se donosio novi Pravilnik o unutrašnjoj organizaciji i sistematizaciji radnih mjesta Jedinstvenog općinskog organa uprave Općine Bosanska Krupa, vršene su izmjene i dopune postojećeg Pravilnika. Ukupno je sistematizovano 134 radnih mjesta, od toga popunjenih je 84, upražnjenih 50. Broj novouposlenih namještenika putem javnog konkursa na neodređeno vrijeme je 2 (dva) na radno mjesto viši referent za obračun plaća i naknada i 1 (jedan) namještenik na neodređeno vrijeme viši referent za katasrtarske poslove i 1 (jedan) državni službenik na određeno vrijeme na radno mjesto stručn saradnik za rad sa mladima i nevladinim organizacijama.

Tokom izvještajnog perioda vršeno je ocjenjivanje državnih službenika i namještenika za period od 16.9.2020. do 15.9.2021. godine, te shodno tome jednom su donesena Rješenja o ocjenjivanju državnih službenika i namještenika, te je Izvještaj o ocjenjivanju dostavljen Agenciji u skladu sa Pravilnikom.

U toku izvještajnog perioda državni službenici su prisustvovali obukama stručnog usavršavanja i osposobljavanja organizovanim od strane Agencije za državnu službu FBiH.

U toku 2021. godine proveden je postupak prestanka radnog odnosa za četiri uposlenika, od toga jedan državni službenik i 3 namještenika, a zbog navršenih 65 godina života i najmanje 20 godina staža osiguranja, odnosno navršenih 40 godina staža

osiguranja bez obzira na godine života, te dva postupaka prestanka radnog odnosa zbog dobrovoljnog istupanja iz državne službe i to za jednog državnog službenika i jednog namještenika.

U ovom izvještajnom periodu smo istrajali na kontinuiranim mjerama štednje u potrošnji papira, kancelarijskog materijala, kopiranja i umnožavanja (koje je isključivo u vlastitoj režiji) i svih drugih sitnih rashoda. Vozni park općine korišten je racionalno i u okvirima predviđene potrošnje.

U ovom izvještajnom periodu u Bosanskoj Krupi je obezbijeđeno besplatno pravno savjetovanje iz oblasti građanskih prava. Besplatna pravna pomoć građanima se pruža u zgradi Općine Bosanska Krupa, jednom mjesečno, od 9,00 sati. U svrhu pružanja besplatne pravne pomoći Općina Bosanska Krupa je obezbijedila prostor.

U skladu sa Programom rada, u izvještajnoj godini, urađeni su i slijedeći poslovi:

- radilo se na usavršavanju informacionog sistema,
- nastavilo se sa radom na stvaranju energetski efikasne općine, koja će i na tom polju biti u stanju nositi se sa evropskim standardima,
- kontinuirano radili na održavanju svih javnih, zelenih i rekreativnih površina, kao i kontinuiranom održavanju i uređivanju svih drugih zelenih površina,
- u oblasti rekonstrukcije puteva nastavili sa započetim projekatima rekonstrukcije puteva, te radili na novim projektima,
- u cilju obezbjeđenja finansijskih sredstava za realizaciju projekata, radilo se na izradi projektnih aplikacija i apliciranje prema međunarodnim organizacijama i donatorima, kroz brojne projekte na nivou BiH, ali i u okviru prekogranične saradnje,
- kontinuirano se radilo stručnom osposobljavanju i usavršavanju uposlenika, i dalje smo davali punu podršku lokalnom privrednom razvoju, planiranju, projektovanju i vođenju svih infrastrukturnih i drugih projekata u općini, unapređenju i osnaživanju saradnje sa poduzetnicima, podršci razvoju poljoprivrede i ruralnih područja, nastavku primjene programa štednje u organima uprave i drugim institucijama i organima koji se finansiraju iz budžeta općine,
- radili smo na poboljšanju usluga javnog sektora na nivou lokalne zajednice u oblasti komunalnih poslova i zaštite okoliša, društvenih djelatnosti, kulture, sporta, medija itd, inoviranju socijalnih programa i brige za ugrožene i kategorije u stanju socijalne potrebe, boračku populaciju, raseljena lica i izbjeglice,
- konstantno se radilo na praćenju stanja priprema za zaštitu i spašavanje od prirodnih i drugih nesreća na području općine i preduzimale pravilne, stručne, efikasne i blagovremene mjere, sa Uredom BHMAC-a kontinuirano se radilo na predlaganju i praćenju projekata deminiranja, tehničkog izviđanja i trajnog obilježavanja rizičnih površina od mina na području općine,
- vršeno je prikupljanje podataka o kontaminiranim površinama od mina, obradu podataka i kandidovanje projekata za obilježavanje i deminiranja nadležnim institucijama; obavljani su i poslovi: praćenje klimatoloških prilika na području općine (mjerenje temperature vrijednosti zraka, praćenje vodostaja svih rijeka, snježnog pokrivača, praćenje pojava klizišta, evidentiranje novih i predlaganje preventivnih mjera za zaštitu i spašavanje ljudi i materijalnih dobara); konstantno se koordiniralo i pružala pomoć mjesnim zajednicama, preduzećima i drugim pravnim licima u organizovanju i planiranju zaštite i spašavanja ljudi i materijalnih dobara od prirodnih i drugih nesreća, pratile klimatološke prilike na području općine (mjerenje

temperaturne vrijednosti zraka, praćenje vodostaja svih rijeka, te snježnog pokrivača),

- radilo se na izradi Strategije razvoja općine Bosanska Krupa 2021-2027,
- BFC SEE - Općina Bosanska Krupa je 2019. godini u postupku BFC recertifikacije potvrdila BFC certifikat. U prvoj polovini 2021. godine izvršena je online nadzorna provjera putem ZOOM platforme ispunjavanja eliminatornih i osnovnih kriterija, te su na osnovu rezultata iste date preporuke evaluatora,
- Usvojen Nacrt izmjena i dopuna PPOBK 2007-2027,
- Projekat registracije nekretnina – uspostava zemljišne knjige- Formirane komisije za izlaganje 15. katastarskih općina. Projekat registracije nekretnina je usaglašavanje podataka o nekretninama i pravima na nekretninama iz katastra i zemljišnih knjiga. Prvenstveni cilj registracije nekretnina je usklađenost katastarske i zemljišno-knjižne baze podataka. U suradnji sa Federalnom geodetskom upravom pokrenut je postupak izlaganja na javni uvid podataka premjera i katastarskog klasiranja zemljišta za katastarske općine Vranjska, Zalin, Vojevac, Veliki Radić, Veliki Dubovik, Srednji Dubovik, Srednji Bušević, Hašani, Jasenica, Mali Radić, Perna, Potkalinje, Pučenik, Donja Suvaja, Donji Petrovići, Gorinja, Gornja Suvaja, Gornji Bušević, Gornji Petrovići, Gudavac,
- Projekt uspostave adresnog registra-u postupku uspostave adresnog registra izrađena je projektna dokumentacija (iscrtani poligoni naseljenih mjesta, naselja i ulica).

Održavanje puteva, gradskih ulica i drugih javnih površina obavljalo se kontinuirano, a u skladu sa raspoloživim sredstvima u ljetnom i u zimskom periodu. Napominjemo da je proširena mreža puteva koji su obuhvaćeni ljetnim i zimskim održavanjem. U toku izvještajnog perioda u prostornoj oblasti obavljali su se poslovi planiranja i uređenja prostora, priprema i provođenje planskih akata, analiza postojeće prostornoplanske dokumentacije i iniciranje njene izmjene, vođenje upravnog postupka u predmetima izdavanja urbanističke saglasnosti, odobrenja za građenje i upotrebu objekata.

Tokom 2021. godine na području općine Bosanska Krupa obavljeno je 207 vjenčanja. Ukupno je provedeno 71 postupaka odobravanja jednokratne novčane pomoći porodicama u skladu sa Pravilnikom o visini i načinu isplate jednokratne novčane pomoći porodicama.

Bitno je napomenuti da se veliki problemi u funkcionisanju MZ-a i dalje nastavljaju. Naime, predsjednicima i članovima savjeta mjesnih zajednica je istekao mandat dana 27.10.2019. godine. Nadležnost za imenovanje predsjednika i članova savjeta mjesnih zajednica ima Općinsko vijeće. Međutim, do danas Općinsko vijeće nije donijelo odluku o raspisivanju izbora, a samim tim nisu imenovani ni organi mjesnih zajednica na području općine Bosanska Krupa. Sve ovo najviše utječe na građane naše općine koji su onemogućeni u ostvarivanju svojih prava.

U skladu sa Odlukom o subvencioniranju dijela troškova komunalnih usluga vodosnabdijevanja i odvodnje i prečišćavanja otpadnih voda („Službeni glasnik općine Bosanska Krupa“ broj: 12/17) uredno, ažurno i blagovremeno vodila se evidencija lica koja ostvaruju pravo na subvencioniranje u 2021. godini. Ukupno evidentirano 32 lica koja su podnijela zahtjev i ostvarila pravo na subvencioniranje u 2021. godini. Ukupan broj lica – članova domaćinstva koja su ostvarivala pravo na subvencioniranje je 64.

U 2021. godini općinske službe za upravu realizovale su veliki broj poslova i zadataka, a obim i efikasnost u rješavanju zaprimljenih predmeta u upravnom rješavanju će biti prikazan u posebnom izvještaju o radu Jedinog općinskog organa uprave općine Bosanska Krupa za 2021. godinu koji se razmatra kao posebna tačka dnevnog reda na sjednici Općinskog vijeća.

U izvještajnom periodu na šalteru naplate uplaćeno je ukupno 445.466,54 KM na ime taksa i naknada, a što je u odnosu na prethodni izvještajni period više za 95.211,93 KM.

Završeni su i projekti deminiranja i to: MSP Drenova Glavica , SI -3 Vjenac, ID 48 površine 351.900,00m², 10.05.2021.godine, izvođač radova deminerski bataljon OSBiH i M14.1 dionica Grmuša-Mali Radić, ID 14297 površine 205.800,00m², 18.05.2021.godine, izvođač radova deminerski timovi FUCZ. Ukupno oslobođeno sumnive površine (deminirano) u 2021. godini 557.700,00m² u vrijednost provedenih radova cca 1.115.400,00 KM (1m²x2,00KM).

U izvještajnom periodu izvršena je nabavka planirane opreme Službi za spašavanje na vodi i pod vodom:

- a) Kompezator plovnosti BCD Seac RENTAL KIT CLUB... 2 komada;
- b) Ronilačka lampa R15.....2 komada;
- c) Suho ronilačko odjelo.....1 komad.

Ukupna vrijednost opreme s PDV-om: 6.915,90 KM.

Kako je Općinski načelnik zajedno sa službama u najvećoj mjeri predlagatelj akata iz Programa rada Općinskog vijeća Bosanska Krupa, pravovremeno i maksimalno efikasno pripremali smo predmetne materijale kojih je u izvještajnom periodu bilo 63. Naravno, osim planiranih aktivnosti u ovom segmentu, Općinsko vijeće razmatralo je i nove normativne i druge akte za čijom izradom se ukazala potreba. Osim toga, svi općinski propisi su se redovno usklađivali, na nivou svake službe, sa izmjenama i dopunama zakonske regulative.

Međusobni odnosi Općinskog vijeća većinom su se zasnivali na principima međusobnog uvažavanja i saradnje, mada je ponekad to izostajalo, uz pojedinačnu odgovornost za ostvarivanje vlastitih nadležnosti i zajedničku odgovornost za funkcionisanje i razvoj općine. Kroz vlastiti angažman, koordinaciju i usmjeravanje rada službi općinske uprave, drugih organa i komisija, urađen je najveći dio posla i obaveza u izvršavanju odluka i zaključaka Općinskog vijeća.

Također su uzeli aktivno učešće i u radu Saveza općina i gradova FBiH, te nastavili saradnju sa drugim općinama i gradovima, kako u zemlji tako i u inostranstvu.

V LOKALNI EKONOMSKI RAZVOJ I POLJOPRIVREDA

Bez obzira na teško stanje izazvano koronavirusom i tokom 2021. godine, kao i ranijih godina, nastavljene su aktivnosti oko stvaranja što povoljnijeg poslovnog ambijenta, radi ulaganja domaćeg i stranog kapitala na području općine Bosanska Krupa, kao i otvaranja novih radnih mjesta. Naša općina je prepoznatljiva općina po povoljnom poslovnom okruženju, a posebnu pažnju zaslužuje širok spektar pogodnosti koje su omogućene investitorima.

Kontinuirano smo radili i radimo na iznalaženju potencijalnih investitora koji su spremni ulagati na području naše općine, a cilju poboljšanja ekonomskog razvoja općine Bosanska Krupa, što se ogleda kroz slijedeće:

- nastavljeno sa finansijskom podrškom privrednim subjektima,
- organiziramo sastanke sa privrednicima, putem Privrednog savjeta, radi otklanjanja prepreka za razvoj privrede i nova zapošljavanja,
- promoviramo razvoj poduzetništva i obrta,
- aktivno sarađujemo sa privatnim sektorom i iznalazimo nove mogućnosti za poboljšanje ambijenta za razvoj poduzetništva, kreiranjem budžeta i programa utroška sredstava težimo da se dio socijalnih izdvajanja pretvori u poduzetničku podršku,
- dajemo značaj vlastitom učešću poljoprivrednih proizvođača i poduzetnika,
- pružamo maksimalnu podršku lokalnom biznisu s ciljem da u najkraćem roku i na jednom mjestu poduzetnik riješi svoje zahtjeve, koji se tretiraju kao zahtjevi visokog prioriteta u radu općinskih službi,
- pružamo podršku postojećim poslovnim djelatnostima i motivišemo potencijalne poduzetnike na što ranije započinjanje novih poslova,
- u budžetu i programima planiramo podsticaje za razvoj start up biznisa i poljoprivrede radi motivisanja građana za otpočinjanje vlastitog biznisa,
- gradimo infrastrukturu u poslovnoj zoni,
- radi ponude zainteresovanim investitorima identificirali smo slobodne lokacije za gradnju,
- poduzimamo aktivnosti oko izmjene prostorno-planske dokumentacije, kako bi stvorili što povoljnije uslove za razvoj privrede,
- radimo na realizaciji programa razvoja turizma i korištenja turističkih potencijala, radimo na jačanju veza sa stanovništvom u dijaspori i dr.

Također, nastojimo intenzivnije razvijati poljoprivrednu proizvodnju, podsticati poljoprivredne proizvođače kako bi proizveli značajnije količine poljoprivrednih proizvoda za vlastite potrebe i za potrebe tržišta, te na taj način obezbijedili egzistenciju sebi i svojoj porodici.

U 2021. godini, zahtjeve za sredstva za podršku razvoja poljoprivrede podnijelo je 386 proizvođača koji su ispunjavali uslove (četiri Javna poziva) i to za:

- Sufinanciranje troškova kupovine repromaterijala za proljetnu sjetvu, broj korisnika 253.
- Sufinanciranje troškova proizvodnje povrća i cvijeća u zatvorenom prostoru 100 – 200 m², broj korisnika 50.
- Sufinanciranje troškova proizvodnje maline, broj korisnika 40.
- Sufinanciranje troškova proizvodnje krastavca, broj korisnika 43.
- Sufinanciranje nabavke plastenika 100 m² sa sistemom za navodnjavanje, broj korisnika 13.

Na području naše općine, zastupljeni su različiti vidovi poljoprivredne proizvodnje, a u stočarskoj proizvodnji i dalje je najrazvijenije govedarstvo odnosno proizvodnja mlijeka kojom se bavi najveći broj gazdinstava. Uz proizvodnju mlijeka prisutni su i razvijaju se i

drugi vidovi poljoprivredne proizvodnje kao što je proizvodnja mesa, proizvodnja povrća na otvorenom i zatvorenom prostoru, proizvodnja maline dr.

Iz Budžeta Općine Bosanska Krupa ukupno je za poticaj poljoprivredne proizvodnje utrošeno 215.209,48 KM.

Broj zahtjeva za kantonalne novčane podrške, u izvještajnom periodu, na rješavanju je bilo 168 predmeta. Svi predmeti su obrađeni i proslijeđeni Ministarstvu poljoprivrede USK-a. Broj zaprimljenih zahtjeva za federalne novčane podrške i prijava proizvodnje, u izvještajnom periodu je 422. Sve prijave i zahtjevi su obrađeni.

Na osnovu podnesenih i obrađenih zahtjeva te odobrenog prava na novčane podrške u 2021. godini, poljoprivredni proizvođači su ostvarili novčana sredstva iz Budžeta USK-a u iznosu od 579.490,88 KM te iz Budžeta Federacije BiH u iznosu od 1.705.903,98 KM, što ukupno iznosi 2.285.394,86 KM (izvor podataka Ministarstvo poljoprivrede, vodoprivrede i šumarstva USK-a, Aplikacija za obradu novčanih podrški)

Za upis u RPG i RK u izvještajnom periodu podnesno je 129 zahtjeva i svi zahtjevi za upis su obrađeni.

Uporno, kontinuirano i svesrdno zalaganje Općine Bosanska Krupa na unapređenju i poboljšanju ambijenta za ulaganja postalo je prepoznatljivo obilježje ove lokalne zajednice.

Saradnja sa privrednicima i potencijalnim investitorima ostvarivala se u duhu otvorene i neposredne saradnje. Održavani su sastanci, a Općinski načelnik je tokom godine posjećivao poslovne subjekte u različitim prilikama (planiranje investicija, poslovni rezultati i dr.).

VI OBRAZOVANJE, SPORT, KULTURA, MLADI I NVO SEKTOR

Obrazovanje

I ovoj izvještajnoj, a po redu jedanaestoj godini zaredom, realizujemo projekt stipendiranja svih studenata sa područja naše općine. Dana 3.3.2021. godine objavljen je Javni konkurs za dodjelu općinskih stipendija redovnim studentima iz Bosanske Krupe za akademsku 2020/2021. godinu. Nakon okončane procedure potpisali smo ugovore sa svim redovnim studentima sa područja naše općine o cjelogodišnjem stipendiranju, a u skladu sa kriterijima za dodjelu stipendija, zaključeno je 102 ugovora o stipendiranju.

Općina je i u ovoj izvještajnoj godini sufinansirala prijevoz učenika putnika koji pohađaju srednju školu i to linijski i vanlinijski prijevoz: za djecu bez jednog ili oba roditelja, subvencioniranje prijevoza za sve učenike putnike u visini od 30%, za djecu bez jednog roditelja obezbijedili subvenciju od 50%, a bez oba roditelja prijevoz se finansira u iznosu od 100 %. za ovu namjenu je iz Budžeta Općine izdvojeno 39.265,00 KM:

U izvještajnom periodu smo radili i na održavanju školskih objekata, podržali sve manifestacije osnovnih škola.

Sport

U Budžetu Općine Bosanska Krupa osigurana su sredstva za rad i sufinansiranje programa različitih sportskih klubova i udruženja, te redovnu djelatnost Sportskog saveza općine. Redovna djelatnost i sportske aktivnosti udruženja iz oblasti sporta (su)finansirane su sredstvima Budžeta za 2021. godinu. Općina Bosanska Krupa kontinuirano prati stanje sportske infrastrukture.

Subvencionirali smo sportske manifestacije, takmičenja i turnire.

Kultura

U oblasti kulture, koja obuhvata sve oblike stvaralaštva, prenošenja i očuvanja kulturnih vrijednosti, Općina je većinu svojih aktivnosti usmjerila na stvaranje mogućnosti za razvoj kulturnih djelatnosti i obezbjeđenje uslova za stvaranje, prenošenje i dostupnost kulturnih vrijednosti građanima općine Bosanska Krupa.

Nastavljena je neposredna saradnja sa ustanovama i institucijama kulture u realizaciji utvrđenih i usvojenih projekata i programa, a vršen je i nadzor nad njihovom realizacijom.

I u izvještajnoj godini, kao i u godinama iza nas, na području općine odvijale su se raznovrsne kulturne aktivnosti od kojih ćemo istaći najznačajnije.

U 2021. godini smo Kalendar dešavanja pod nazivom Ljeto u Bosanskoj Krupi upotpunili sa dosta manifestacija i događaja. Tako je u 2021. godini održane Radničke sportske igre u kojima je čestvovalo sedamnaest ekipa, zatim je održan Memorijalni turnir „Čojluk“, II ljetna biciklijada, na ljetnoj pozornici na bosanskokrupskom Starom gradu „Muhabet sa Razom“, deseta po redu „Čorbarijada“ na izletištu Šujnovac, Jezerskom Festival narodnih običaja u organizaciji UZZOR“Vakat“, Likovna kolonija za mlade „Most Budućnosti, održan je Bajramski koncert na koje je prisustvovalo više od tri hiljade posjetitelja, održana je prestava „Đurologija“.

Ono što se može izdvojiti, jeste Prva bosanskokrupska Una regata, projekt koji je pokenut 2021. godine. To je san dug skoro dvije decenije i konačno je ostvaren. Cilj regate je učešće svih građana u regati koji do sad nisu imali prilike da učeštvuju ali isto tako i svih ljubitelja prirode, dobre atmosfere i očuvanja okoliša. Ova prva Una regata je trajala jedan dan. Karavan sa 40 čamaca je prošao putanju dugu 20 kilometara od grmuškog mosta do konačnog cilja, drvenih mostova u centru, a nakon spusta upriličen je ručak za učesnike i kulturno zabavni program.

Uspješno je realizovan porojekt "Bosanska Krupa - grad malih sajmov", organizovani su sajmovi knjiga, organske proizvodnje, ljekobilja i meda, te sajam narodnih rukotvorina. Održan je i šesti po redu Novogodišnji sajam.

Također, 2021. godine održana je po redu druga „Zimska priča“. Projekat „Zimska priča“ predstavljao je turističku manifestaciju s ciljem unaprijeđenja postojeće turističke ponude općine Bosanska Krupa. Manifestacija se organizirala u okviru Bosanskokrupskih manifestacija i trajala je od 24.12.2021. godine do 01.01.2022. godine. Manifestacija je održana u ulici Patriotske lige, a obuhvatala je novogodišnji sajam na kojem su bili izloženi proizvodi i rukotvorine lokalnih privrednika, kulturno-zabavni program u večernjim satima za turiste i građane, radionice slikanja, pravljenja nakita, plesa, druženje sa Djeda Mrazom i

podjelu novogodišnjih paketića. Po projektu manifestacija je upriličena i u Bosanskoj Otoci. Kompletan ambijent je upotpunjen sa štandovima i kućicama gdje su se mogli konzumirati „predpraznični“ proizvodi lokalnih privrednika.

Kao i svake godine, mada ove izvještajne godine na nešto drugačiji način, obilježeni su značajni datumi: Dan nezavisnosti BiH, Dan IDČ „Faraoni“, Dan Armije R BiH, Dan otpora agresiji na općinu Bosanska Krupa, Dan oslobođanja Kobiljnaka, Dan prve zakletve TO, Dan Patriotske lige BiH, Godišnjica pogibije komandanta Mirsada Crnkića, Bitka za Osmaču, Dan oslobođanja Čojluka, Dan genocida u Srebrenici, Obilježavanje bitke za Crkvinu, Dan 511. Slavne bbr., Dan šehida, Dan oslobođenja Bosanske Krupe, Dan uspostavljanja mostobrana Ostružnica, te Dan državnosti BiH.

Održana je Likovna kolonija Krušnica, općinska smotra znanja i sposobnosti, 28. Književni susreti „Stazama djetinjstva“ Bosanska Krupa i Unski lađari.

Na svečan i dostojanstven način obilježeni su septembarski dani slobode i 17. septembar - Dan općine Bosanska Krupa, kao i proslava godišnjice od formiranja 511. slavne bbr.

Sredstvima Budžeta Općine Bosanska Krupa za 2021. godinu (su)finansirani su programi institucija i udruženja iz oblasti kulture i to:

- KUD „Grmeč“ Bosanska Krupa,
- KUD „Mladost“ Bosanska Otoka,
- KUD „Stari grad“ Bosanska Krupa,
- KUD „Jezerski“ Jezerski,
- JU „Centar za kulturu, obrazovanje i informisanje“ Bosanska Krupa.

Mladi

U decembru izvještajne godine je donesena Odluka o pristupanju izrade Strategije prema mladima za period 2022 – 2027, te je na osnovu iste imenovan radni tim koji je uveliko počeo sa pripremama na izradi strategije.

Nastavili smo sa realizacijom programa Omladinska banka, potpisan Sporazum o saradnji i Deklaracija Mreže omladinskih banaka u okviru programa „Omladinska banka BiH“.

Projekat Omladinska banka - Kroz dva Javna poziva Omladinske banke Bosanska Krupa za podršku projektima neformalnih grupa mladih ukupno je odobren 31 projekt. Svi odobreni projekti su uspješno i realizirani. Ukupna vrijednost projekata je 45.957,35 KM, od kojih je Općina Bosanska Krupa izdvojila 15.865,47 KM, a Fondacija Mozaik 12.134,88 KM, doprinos neformalnih grupa iznosio 17.957,00 KM, broj volontera: 562, broj volonterskih sati: 5263, ukupan broj korisnika: 3205

Kroz program Omladinske banke nije bilo podržanih mikrobiznisa iako je Javni poziv bio objavljen više puta, međutim niti na jednom javnom pozivu nije bilo pristiglih prijava

Kao i prethodnih godina i ove godine je 8. 4. 2021. godine putem Službe za opću upravu i društvene djelatnosti Općinski načelnik raspisan je Javni poziv za finansiranje

najboljeg omladinskog start up biznisa, na isti su pristigle 3 prijave, koje nisu dobile finansijsku podršku iz formalnopravnih razloga.

Ovaj program ima za cilj poboljšanje i jačanje mehanizma podrške omladinskom preduzetništvu u lokalnoj zajednici, otvaranje novih radnih mjesta dodjeljivanjem finansijskih sredstava i pružanjem savjetodavne podrške mladim preduzetnicima. Ideja koja se prijavljivala morala se obraditi kao biznis plan u bilo kojoj djelatnosti osim trgovine i ugostiteljstva, izuzev originalnih ideja vezanih za turizam i domaće proizvode, pod uslovom da se realizuje na području općine Bosanska Krupa.

I u ovoj izvještajnoj godini raspisan je i Javni poziv za su/finansiranje projekata NVO sredstvima Budžeta općine Bosanska Krupa za 2021. godinu. Na javni poziv pristiglo je ukupno 35 prijava. Nakon okončane propisane procedure zaključeno je 19 ugovora o su/finansiranju projekata NVO čija je ukupna vrijednost iznosila 18.205,00 KM, dok je 16 prijava odbijeno ili odbačeno zato što nisu ispunili propisane uvjete i procedure javnog poziva.

Također, raspisan je i Javni poziv za su/finansiranje projekata iz Granta za mlade. Nakon okončane propisane procedure zaključeni su ugovori o su/finansiranju projekata iz Granta za mlade sa ukupno sedam neformalnih grupa za mlade čija je ukupna vrijednost iznosila 7.000,00 KM, dok su 4 aplikacije odbijene zato što nisu ispunjavali propisane uvjete i procedure. Ukupno iz Granta za NVO utrošeno 18.205,00 KM, a iz Granta za mlade 7.000,00 KM.

Iz Budžeta Općine tokom izvještajne godine subvencionirali smo prijem volontera u javna preduzeća i javne ustanove za šta je izdvojeno 26.955,00 KM.

NVO sektor

Projekte, programe, te rad Udruženja roditelja djece sa posebnim potrebama „Ada“ Bosanska Krupa, Udruženja Reis „Džemaludin Čaušević, Udruženje „Aktiv žena“ Otoka, Udruženje „Vakat“ Jezerski, Udrženje „Mimoza“, Udruženje „Miris dunja“ Udruženje dijabetičara Bosanska Krupa, Udruženje pčelara „Lipa“, Udruženje sportskih ribolovaca „Krušnica“, Udruženje planinarsko društvo „Grmeč“, humanitarna udruženja i Crveni križ, kao i drugih nevladinih organizacija smo sufinansirali iz Budžeta Općine.

U 2021. godini raspisan je Javni poziv za su/finansiranje projekata NVO sredstvima Budžeta općine Bosanska Krupa za 2021. godinu. Nakon okončane propisane procedure zaključeni su ugovori o su/finansiranju projekata NVO sa ukupno 12 nevladinih organizacija čija je ukupna vrijednost iznosila 16.550,00 KM. S obzirom da je ove godine bio povećan broj zainteresiranih nevladinih organizacija raspisan je i Ponovni javni poziv za sufinansiranje projekata NVO. Nakon završene konkursne procedure potpisani su ugovori o su/finansiranju projekata NVO sa još deset nevladinih organizacija čija je ukupna vrijednost 14.000,00 KM, što znači da smo tokom 2021. godine podržali projekte nevladinih organizacija ukupne vrijednosti 30.550,00 KM.

Podržane su sve manifestacije koje su organizovali nevladina udruženja.

Penzioneri

U saradnji sa JU „Centar za socijalni rad“ Bosanska Krupa i Udruženjem penzionera iz Bosanske Krupe, a u cilju pomoći penzionerima kao pripadnicima najugroženije kategorije

stanovništva u općini, iz sredstava Budžeta Općine Bosanska Krupa za 2021. godinu, kao i prošle godine, socijalno ugroženim penzionerima tokom čitave godine dodjeljivana su sredstva za jednokratne pomoći za nabavku ogrjeva, prehrane i drugih nužnih potreba. Pored navedenog finansijski je potpomognut rad i aktivnosti ovog Udruženja.

Boračka populacija u konceptu lokalne samouprave

U oblasti dopunskih prava branilaca i članova njihovih porodica Odluka o općinskim administrativnim taksama je u potpunosti primjenjena na ove kategorije. U izvještajnom periodu radili smo na održavanju šehidskih spomen obilježja, spomen sobe, šehitluka. U cilju olakšanja rada boračkih udruženja obezbijeđeno je korištenje općinskih prostorija bez naknade. Obezbijeđena su nužna sredstva:

- za funkcionisanje boračkih udruženja,
- za rješavanje stambenih potreba najugroženijih,
- za jednokratne pomoći.

Osim navedenog subvencionirali smo sve manifestacije, te programe iz ove oblasti.

VII INFRASTRUKTURA - PROJEKTI

Investiciona ulaganja na području općine.

- Pregled realizovanih projekata putne infrastrukture u 2021. godini:

R/b	NAZIV PROJEKTA	UKUPNA VRIJEDNOST
1.	Rehab.rek. i asf.dijela puta: Nezirovac,dio ul.10.Juli, dio ul.Gazijska i ul.Bihačka	58.039,70
2.	Rehab.rek. i asf. puteva: Brskavac-Bratića Brdo, Gulanova okuka, Mustelji-Šabići-Džajići-H.Most, Donji Zalug (LOT-3)	15.572,47
3.	Rehab.rek. i asf. puteva: Dijela puta Hafizovići-Menić, Smailovići-Baltići, Vrletnica (LOT-2)	83.530,39
4.	Asfaltiranje puta Hodžinac nakon sanacije klizišta	5.255,59
5.	Asfaltiranje puta Crkvina nakon sanacije klizišta	14.358,18
6.	Radovi na rehabilitaciji,asfaltiranju i rekonstrukciji ulica: ul.505.Viteške brigade, ul.Branilaca grada-Donlije, put Gornji Zalug, put Dolovi-Kudenići, ul.E. Krupića i dio ul.Gazijska-Pirovište	104.481,00
7.	Rehabilitacija i asfaltiranje dijela puta „Ivanjski put“ Bos.Otoka	19.908,50
8.	Asfaltiranje dijela puta Kovačevac u MZ Jezerski	22.785,41
9.	Asfaltiranje dijela puta Kovačevac u MZ Jezerski - Nastavak	7.155,70
10.	Rehab.rek. i asf.dijela puta: Aličevići, Mehića ploča i Emrića brod-Džamište	85.410,00

11.	Rekonstrukcija i asfaltiranje dijela lokalnog puta Gornja Ivanjska	32.525,94
12.	Rehab.rek. i asf.dijela puta: Duge njive-Urije, Mustelji-Šabići-Džajići-Halkića most, Lok.cesta R404a-Zalin i dio puta Mustelji-Bećirevići	92.430,00
13.	Rekonstrukcija ulice Prvomajska (UNDP)	148.060,58
14.	Radovi na rehabilitaciji,asfaltiranju i rekonstrukciji dijela puta: Pištaline-Centar i Smajlovići-Baltići	29.213,33
15.	Rehabilitacija i asf.dijela puta Čojluk – Odvojak prema Sp.obiležju.Ljiljan	69.981,51
16.	Asfaltiranje dijela puta „Plandište-Kovačevac“ u MZ Jezerski	32.788,55
17.	Rekonstrukcija i asfaltiranje lokalnog puta Arapuška cesta-Pučnik-Zalin-V.Dubovik	84.005,52
	U K U P N O	905.502,37

➤ Pregled realizovanih ostalih projekata u 2021. godini:

R/b	NAZIV PROJEKTA	UKUPNA VRIJEDNOST
1.	Radovi na izgradnji javne rasvjete u Ivanjskoj	13.828,38
2.	Nabavka stubova za JR na željeznom mostu	4.855,50
3.	Radovi na sanaciji sanitarnog čvora u Prvoj osnovnoj školi u Bos.Krupi	36.144,81
4.	Radovi na nastavku izgr.Gimnazije – FAZA I LOT-2:Elektroinstalaterski radovi	72.038,08
5.	Radovi na nastavku izgr .Gimnaz. – FAZA I LOT-3:Radovi na instalaciji centralnog grijanja i ventilacije	61.097,41
6.	Uređenje kompleksa Starog grada Pset – plato tvrđave u Bos.krupi	81.633,17
7.	Izgradnja stepenica i uređenje pješačke staze – faza I – Izgradnja stepenica (pješačka staza koja spaja ul.505.Vitešku brig. i ul.M. Tita	3.538,31
8.	Izvođenje radova na izgradnji primarnog i sekund. cjevov. na lokaciji PERNA-ČOJLUK	29.999,99
9.	Sanacija klizišta na putu Johova dolina	11.362,33
10.	Nabavka kanti za otpad za javne površine	7.020,00
11.	Nabavka parkovskih klupa za javne površine	4.375,80
12.	Adaptacija i sanacija prostorija bivše Una banke u Bos.Krupi	6.867,51
13.	Radovi na uređenje i zaštiti Starog grada – nabavka i postavljanje zaštitne ograde na Starom gradu, općina Bos.Krupa	3.160,05
14.	Izvođenje radova na izgradnji primarnog kanalizacionog cjevovoda ulica PRVOMAJSKA, općina Bos.Krupa	5.000,00
15.	Nabavka i postavljanje/ugradnja ograde na stepenicama na keju (stepenice od betonskog mosta prema keju), općina	2.000,00

	Bos.Krupa	
16.	Radovi na sanaciji i održavanju drvenih mostova na malim Adama (most 2 i 3), (mali mostovi I,II,III,IV,V,VI)	3.541,78
17.	Elektromater.za izgradnju i dopunu javne rasvjete na području općine Bos.Krupa	23.929,51
18.	Izrada glavnog projekta arhitektonsko-urbanističkog i pejzažnog rješenja uređenja javnih površina u putnom pojasu ul.511 SBB-e i Trga Alije Izetbegovića u Bos.Krupi	13.852,80
19.	Izvođenje radova na izgradnji primarnog i sekundarnog cjevov. za naselje BEGIĆI	27.208,44
20.	Izvođenje radova na izgradnji primarnog cjevovoda za naselje PROKOP	19.999,84
21.	Usluge obilježavanja horizontalne signaliz. na području općine Bos.Krupa za 2021.g.	3.995,55
22.	Radovi na nastavku izg.Gimnazije – FAZA I LOT-1:Građ.i građ.zan.radovi sa hidro fazom i prateći sadržaji (prizemlje i sprat 1)	134.819,19
23.	Usluge rada kombinovanog stroja na održavanju puteva i javnih površina na području općine Bos.Krupa	6.879,60
24.	Radovi na regulaciji potoka Kalender- XV faza	84.897,48
25.	Izvođenje radova na izgradnji sekundarnog cjevov. Vranjska-Zloimenjak	9.997,97
26.	Rekonstrukcija ulice Prvomajska -Fekalna kanalizacija-Kolektor (UNDP)	26.922,34
27.	Izvođenje radova na izgradnji primarnog cjevov. –lokacija Vrelo-Vranjska	20.000,00
28.	Izgradnja interne saobr. – Trasa 8 u PZ Pilana	30.818,62
29.	Izgradnja potpornog zida pored puta Hasanagića selo - Ljusina	10.314,79
30.	Izgradnja novih linija javne rasvjete i dopuna – proširenje postojećih linija na području općine Bos.Krupa	9.691,40
31.	Nabavka i isporuka elektromaterijala za izgradnju javne rasvjete na području općine	12.460,50
32.	Nabavka opreme za regulisanje cestovnog prometa na području općine	6.048,90
33.	Nepredviđene i hitne intervencije na putevima u općini Bos.Krupa	5.583,24
34.	Sanacija udranih rupa	23.925,74
35.	Regulacija dijela potoka Voloder sa izgradnj. fekalnog kolektora u Bos.Otoci – Faza I	87.051,96
36.	Radovi na sanaciji klizišta „Kosa“ u MZ Jezerski	117.667,39
37.	Radovi na regulaciji potoka Kalender u ul.Branilaca grada – Faza XVI	48.401,98
	UKUPNO	1.070.930,36

OSTALI POSLOVI

Pored ulaganja u kapitalne projekte radili smo i ulagali u realizaciju drugih projekata i to:

- Projekt MEG -u prvoj polovini 2021. općinama koje su učestvovala u implementaciji projekta MEG – I faza su na online sastancima prezentirani rezultati projekta kao i projektni dokument za pripremu druge faze projekta koji strateški slijedi zacrtani pravac iz prve faze, sa snažnijim naglaskom na politikama koje će omogućiti sistemski pomak u pravcu demokratizacije sistema lokalne samouprave zasnovanog na pristupu orijentiranom ka rezultatima. Dijalog o politikama u oblasti dobrog upravljanja na nivou jedinice lokalne samouprave te izmjene politika, zajedno s regulatornim unapređenjima kod usluga vodosnabdijevanja i odvodnje i pročišćavanja otpadnih voda, osigurat će efektivnije, pravičnije i održivije pružanje osnovnih usluga na lokalnom nivou. Po prijavi na Otvoreni poziv MEG-a za učešće u drugoj fazi Projekta općinskog okolišnog upravljanja (MEG II). Općina Bosanska Krupa odabrana je za učešće u projektu MEG II.
- Kao suaplikant Općina Bosanska Krupa aplicirala je sa Udruženjem „PLOC CENTAR“ na Javni poziv GIZ EU4Business Recovery sa projektom „Green Islands Tour“. Kompletirana je i dostavljena tražena dokumentacija za evaluaciju projektnog prijedloga i očekuje se konačna odluka. Ukoliko se projekat odobri, realiziraće se u 2022. godini. Ukupan indikativni budžet iznosi 184.976 EUR (361.776 KM), a sredstva koja se potražuju od EU4BusinessRecovery su 146.866 EUR (287.240,52 KM) dok je učešće Općine Bosanska Krupa 38.110 EUR (74.535,54 KM).
- Pripremljena je prijava za učešće u implementaciji projekta Pokretanje okolišnog finansiranja u svrhu nisko-karbonskog urbanog razvoja na javni poziv UNDP-a BiH za pripremu zelenih logističkih šema za upravljanje otpadom sa studijom izvodljivosti za okolišno prihvatljivo prikupljanje i transport komunalnog otpada.
- Pripremljena je prijava na Poziv za dostavljanje konceptualnog nacrtu i punog projektnog prijedloga u okviru projekta „Podrška Evropske unije lokalnim partnerstvima za zapošljavanje Faza II“ (LEP II). Kompletirana je i dostavljena tražena dokumentacija u cilju konačne evaluacije projektnih prijedloga. Nakon evaluacije obaviješteni smo da je naš projektni prijedlog „Aktivacija i integracija nezaposlenih osoba na tržište rada u USK“ odobren te se očekuje potpisivanje sporazuma/ugovora. Realizacija projekta planirana je u periodu 2022-2023. godine. Ukupni indikativni budžet je 230.118,18 EUR (450.066 KM), od toga učešće općine Bosanska Krupa je 47.568,18 EUR (93.033,89 KM), učešće MOR (ILO) je 152.500 EUR (298.259,50 KM), a ostalih partnera (MSŠ Bosanska Krupa, Grad Bihać, Zavod za zapošljavanje USK) je 30.050 EUR (58.771,82 KM).
- Vođene su aktivnosti na realizaciji projekta WATSAN u okviru kojeg je urađen prijedlog za izmjenu Projektne fiše, prikupljeni ulazni podaci za izradu Master plana odvodnje otpadnih voda u Bosanskoj Krupi i Bosanskoj Otoci, organizirani sastanci sa predstavnicima PMU, Agencije za vodno područje rijeke Save i sa ciljem unapređenja projektnih aktivnosti. Na osnovu odobrene Projektne fiše su u saradnji sa resornom Službom pokrenute aktivnosti na realizaciji projekta u 2022. u okviru kojih će se završiti regulacija potoka Kalender i izvesti radovi na rehabilitaciji

kanalizacione mreže u Ulici 511. slavne u Bosanskoj Krupi. U mjesecu decembru je popunjen Upitnik za Projekt Vodoopskrba i odvodnja otpadne vode u Federaciji BiH WATSAN FBiH – FAZA II, kao nastavak aktivnosti iz Pisma interesa za učešće u fazi II projekta WATSAN, čija bi realizacija trebala započeti 2023.

VIII JAVNOST I TRANSPARENTNOST RADA

U radu Općinskog organa uprave jedno od značajnih pitanja je i pitanje transparentnosti rada i dostupnosti informacijama građanima, privrednim subjektima i drugim subjektima o pitanjima za koje imaju interes. Ono se ogleda u dosljednoj primjeni Zakona o slobodi pristupu informacijama, učešću javnosti u svim postupcima za koje je zakonom propisano uključivanje javnosti (javni uvid, javne rasprave, i sl.), provođenje anketa, primjedbe, prijedlozi i mišljenja.

Stepen ostvarene demokratičnosti u lokalnoj zajednici mjeri se, između ostalog, i učešćem građana u procesu donošenja odluka koje su od općeg interesa. Kako bismo osigurali osnovne pretpostavke za uključivanje građana u ove procese, trudili smo se u proteklom periodu da kontinuirano izvještavamo o svim aktivnostima općinskog organa uprave, a uspostavljali smo i alate dvosmjerne komunikacije kako bi se čuo glas građana. Naš cilj je od građana dobiti povratne informacije. Stoga, građane pozivamo da putem alata komuniciranja (društvene mreže, web-stranica Općine, kutija za komentare i žalbe u prijemnoj kancelariji itd.) iskažu svoje mišljenje, sugestiju, kritiku ili primjedbu koja se odnosi na rad općinskih službenika.

Službena web-stranica je redovno ažurirana, redovno se na adrese pedesetak najznačajnijih medijskih kuća i novinara šalju informacije iz Općine, svakodnevno smo bili na usluzi novinarima i dr.. Sve one inicijative, sugestije, prijave, pohvale i kritike koje su dobronamjerno napisane kako bismo zajedno gradili sigurnije i uređenije okruženje, pratimo, čitamo i bilježimo. Svaka anonimna prijava je zaprimljena i bila je predmet postupanja i intervencije. Svim građanima koji žele ostati anonimni garantiramo anonimnost.

Svakodnevним aktivnostima omogućili smo građanima da utječu na donošenje ključnih odluka i uopće na kvalitet svog života. Učešće javnosti u postupku izrade i donošenja odluka, planskih i razvojnih dokumenata osigurano je pružanjem uvida u nacрте, putem javnih rasprava, objavama u sredstvima javnog informisanja, te putem web stranice Općine Bosanska Krupa.

Neposredno se angažovalo i na rješavanju drugih pitanja iz nadležnosti lokalne zajednice i od značaja za građane, privredne i druge subjekte, te brži razvoj lokalne zajednice u cjelini. Nastavili smo dobru saradnju sa Međunarodnim fondom za poljoprivredni razvoj (IFAD) - Uredom za koordinaciju projekata u poljoprivredi F BiH i Fondacijom za održivi razvoj (OdRaz), Razvojnóm, Svjetskom (WB), Evropskom investicionom bankom (EIB), kantonalnim i federalnim ministarstvima.

Pored navedenog tokom izvještajnog perioda održao se i niz sastanaka s građanima, predstavnicima pravnih i fizičkih osoba, ustanova, udruženja, zainteresiranih potencijalnih investitora.

IX ZAKLJUČAK

Iako su u ovom izvještajnom periodu urađeni planirani poslovi, kao i mnogo poslova koji su se u toku godine pojavili kao prioritetni, treba naglasiti da se susrećemo sa mnogim problemima u radu, te s toga u narednom periodu očekujem i nadam se većoj saradnji i podršci od strane Općinskog vijeća na realizaciji zajedničkih projekata. Podneseni Izvještaj o radu općinskog načelnika Općine Bosanska Krupa za 2021. godinu sadrži prikaz poslova i zadataka iz nadležnosti Načelnika kao izvršnog organa Općine Bosanska Krupa. Općinski načelnik je uz stručnu, administrativnu i tehničku pomoć službi u Općini Bosanska Krupa, a u okviru finansijskih mogućnosti planiranih Budžetom, u izvještajnom periodu obavljao poslove iz svoje nadležnosti na način koji će osigurati uslove za što kvalitetnije zadovoljavanje lokalnih potreba građana općine Bosanska Krupa, te je stoga u 2021. godini nastojao odgovorno i kvalitetno ispuniti svoju obavezu vođenja izvršnih poslova Općine kao jedinice lokalne samouprave.

Kao i prethodnih godina, Općina Bosanska Krupa će kao jedinica lokalne samouprave biti pokretač aktivnosti u stvaranju i poboljšanju ukupne ekonomske situacije, kroz podršku lokalnom ekonomskom razvoju, javno i transparentno izvršenje budžeta i stvaranje partnerstva između općine, privrednog i nevladinog sektora. Općinski načelnik izražava apsolutno opredjeljenje za ubrzanim razvojem općine Bosanska Krupa. U narednom periodu aktivnosti će biti posebno usmjerene na oblasti privrede i socijalne zaštite kao najopterećenijih oblasti preko kojih građani najviše rješavaju svoje životne probleme. Unaprijedit ćemo poslovanje javnih ustanova, kao i njihovo mjesto i ulogu u razvoju lokalne zajednice, a kapacitete javnih preduzeća ćemo razvijati kao značajan općinski potencijal.

Postoji još mnogo stvari koje bi nekog mogle zanimati o radu Općinskog načelnika i organa uprave i mnogo informacija koje nisu mogli stati u Izvještaj. Općinski načelnik kao organ lokalne vlasti dio je lokalne samouprave i u radu Općinskog načelnika (uostalom kao i Općinskog vijeća) uključen je organ uprave, brojne institucije, brojni pojedinci, komisije, timovi... Svi oni omogućili su provođenje u izvještaju opisanih aktivnosti. Ukupan pogled na rad u 2021. godini valja uzeti u kontekstu vremena i okolnosti, izazova i prilika koji su bile pred svima nama.

Bitno je naglasiti da je Općina Bosanska Krupa u 2021. godini dobila priznanje „SDG nagrada za jedinice lokalne samouprave u Bosni i Hercegovini“, koja je komplementarna aktivnost godišnjoj Nagradi za biznis lidere održivog razvoja, za mjere smo dizajnirali i realizirali prilikom pružanju podrške privatnom sektoru, odnosno prilikom poticanja ekonomskog oporavaka.

Pored planiranih poslova, Općinski načelnik će svoje aktivnosti i dalje usmjeravati i na sva ostala pitanja koja se nametnu kao važna, a sve u cilju da područje općine Bosanska Krupa postane privlačnije za ulaganja, rad, ali i život i perspektivu stanovništva.

Broj:01-04-920/22
Bosanska Krupa, 8.2.2022.godine

OPĆINSKI NAČELNIK
Armin Halitović